

ՀՀ Վայոց ձորի մարզպետին առընթեր երիտասարդական խորհրդի կազմում ոչ պետական հատվածը ներկայացնող անդամ առաջադրելու մասին

ՀՀ Վայոց ձորի մարզի Արենիի համայնքապետարանը հայտարարում է մրցույթ ՀՀ Վայոց ձորի մարզպետին առընթեր երիտասարդական խորհրդի կազմում ոչ պետական հատվածը ներկայացնող անդամ առաջադրելու մասին:

Խորհրդի ոչ պետական հատվածը ներկայացնող անդամը պետք է լինի 16-ից 30 տարեկան երիտասարդ և պետք է բավարարի հետևյալ չափանիշներին՝

1. Երիտասարդներին առնչվող կրթական, սոցիալական, զբաղվածության, առողջապահական և մշակութային խնդիրներին տիրապետելը,
2. Երիտասարդական կազմակերպություններում տարբեր ծրագրերին կամ միջոցառումներին մասնակցության փորձ,
3. Երիտասարդական քաղաքականության բնագավառում միջազգային փորձի, պետական և հանրային կառավարման համակարգի, ծրագրերի մշակման, իրականացման և գնահատման առանձնահատկությունների իմացություն:

Հավասար պայմանների դեպքում որպես առավելություն են դիտվում երիտասարդական քաղաքականության բնագավառում իրականացված փորձագիտական աշխատանքները կամ հրապարակումները, ոչ ֆորմալ կրթության ոլորտի գիտելիքները և գործնական աշխատանքի փորձը:

Մրցույթը կկայանա 2018 թվականի նոյեմբերի 16-ին:

Մրցույթին մասնակցել ցանկացողները կարող են դիմել Արենիի համայնքապետարանի աշխատակազմ հետևյալ հասցեով՝ գ. Արենի, 15 փողոց, շենք 3, հեռ. +374281 6 00 01:

Դիմումների տրման վերջնաժամկետը 2018 թվականի նոյեմբերի 14-ն է՝

Դիմումատուն Արենիի համայնքապետարանի աշխատակազմ պետք է ներկայացնի՝

ա) դիմում համայնքապետարանի աշխատակազմի քարտուղարի անունով (դիմումի ձևը ազատ է),

բ) խորհրդի անդամին ներկայացվող պահանջների բավարարումը հավաստող փաստաթղթերի, դիպլոմի(ների), վկայականի(ների) պատճենները՝ բնօրինակների հետ միասին,

գ) մեկ լուսանկար՝ 3X4 սմ չափի,

դ) անձնագրի պատճենը:

Քաղաքացին մրցույթին մասնակցելու համար փաստաթղթերը հանձնում է անձամբ՝ ներկայանալով անձնագրով, յուրաքանչյուր աշխատանքային օր, ժամը 9.00-ից մինչև 18.00-ը:

Քաղաքացիները մրցույթին ներկայանում են անձնագրով:

Փաստաթղթերն ընդունվում են ամեն օր, ժամը 9.00-ից 18.00-ը: